

«ՊԱՏՄԱ-ԲԱՆԱՍԻՐԱԿԱՆ ՀԱՆՂԵՍ»-Ի ՏԱՍ ՏԱՐԻՆ

Լրացավ ՀՍՍՀ ԳԱ «Պատմա-բանասիրական հանդես»-ի տաս տարին: Այդ ընթացքում գիտա-կազմակերպական կարգի մեծ աշխատանք է տարվել, մե-
շակվել են ուշադրալ գիտական խնդիրներ: Լույս են տեսել բազմաթիվ պատ-
կառի հատորներ՝ նվիրված հայ ժողովրդի հին, միջնադարյան, նոր և ժամա-
նակակից մշակույթի մանրակրկիտ (ամսագրի հնարավորության սահմաննե-
րում) ուսումնասիրմանը:

Անցած տարիներին հանդեսի էջերում հրապարակ են եկել մեծ թվով լուրջ
հոդվածներ և նույնիսկ մենագրություններ, որոնցում մարքսիզմ-լենինիզմի
դիրքերից լուսարանված են հայ ժողովրդի պատմության, զրականության ու
լեզվի, փիլիսոփայության ու աղոթական-աղատագրական շարժման, արվեստի
ու մշակույթի կարևորագույն խնդիրներն ու հանդուցային հարցերը, հայագի-
տության ու կուլկասագիտության տեսական խնդիրները, ինչպես նաև հայ ժո-
ղովրդի քաղաքական, սոցիալ-տնտեսական և մշակութային կապերն ու փոխ-
հարաբերությունները մերձավոր հարևանների և հեռավոր ժողովուրդների հետ:
Հանդեսը լուրջ ուշադրություն է նվիրում սփյուռքի հայերի հասարակական-
քաղաքական և մշակութային կյանքին: Մտադրված խնդիրներն իրագործելու
համար անհրաժեշտ էր ստեղծել ղեկավար կենտրոն՝ հեղինակավոր խմբագրա-
կան կոլեգիա: Այն ղեկավարից ակադեմիկոս Մ. Գ. Ներսիսյանը: Հանդեսի
շուրջը համախմբվեցին անվանի մասնագետներ՝ ակադեմիկոսներ, թղթակից-
անդամներ, դոկտորներ, պրոֆեսորներ, գիտության թեկնածուներ: Հանդեսին
աշխատակցելու հրավերվեցին ևղբայրական հանրապետությունների և սոցիա-
լիստական երկրների խոշորագույն գիտնական-արևելագետները, և, վերջապես,
արտասահմանի ականավոր հայագետները:

Հանդեսի հրատարակումը՝ իրադարձություն է հայ գիտական պարերա-
կան մամուլի տարեգրության մեջ: Այսպիսի ծանրակշիռ հասարակական-
քաղաքական հանդեսներ հայ պարերական մամուլի պատմության մեջ բիշ
են ևղել: Գրանցից են, օրինակ, իրենց կենսունակությամբ ասլղեցուցիշ ասլղի-
սի ամսագրերը, ինչպես Վենետիկի Մխիթարյանների օրդան «Բաղմավիսլոր», որ
լույս է տեսնում արղեն 125 տարի՝ 1843 թ. միսչև օրս, կամ Վիեննայի Մխի-
թարյանների օրդան «Հանղես ամսօրյան», որ 75 տարեկան է:

«Պատմա-բանասիրական հանղես»-ի ստացած հարուստ նյութը հնարավո-
րություն է տալիս բաշխելու այն բստ համապատասխան բաժինների: Սակայն,
ղժրախտարար, այղ բաժինները միշտ կալուն չեն, հսմախ փոխում են իրենց
տեղերը: Այսպես, օրինակ, «Հողվածներ» բաժինը երբեմն միացվում է «Հող-
վածներ և հողորղումներ» բաժինին, իսկ «Հաղորղումներ» տրվում են մերթ
անղատ, մերթ որպես «Հաղորղումներ և նկատողություններ»: Սա, անշուշտ,
թերություն է, որն անհրաժեշտ է վերացնել, պահպանելով բոլոր բաժինների
կայունությունը, որը կհշտացնի հանղեսից օղտվելու:

Բսկ ինչ խնդիրներ և թեմաներ են բննարկվել հանղեսում տաս տարվա ըն-
թացքում: «Պատմա-բանասիրական հանղես»-ը հրապարակել է մի շարք ու-

շագրավ և արժեքավոր ուսումնասիրություններ, որոնք վերաբերում են հին և միջնադարյան Հայաստանի սոցիալ-տնտեսական խնդիրներին, հայ ժողովրդի սոցիալական պայքարի և աղղային-աղատագրական շարժման պատմությանը, Հայաստանի հելլենիստական շրջանի պատմությանը և այլն:

Ամսագրի հատուկ ուշադրությանն են արժանացել պատմական արժեքավոր արխիվային փաստաթղթերը, նրանց մեկնաբանությունը՝ հայ ժողովրդի պատմական ճակատագրի առումով: Հատուկ ուսումնասիրություններում լուսաբանված են հայերի ռուսական կողմնորոշման նախապատմությունը, հայերի մշակութային կապերը հարևան ժողովուրդների հետ, այդ թվում նաև թուրքիայի հետ վերջին 50 տարիների ընթացքում՝ որոշ թուրք պատմաբանների կողմից պատմական իրադարձությունների խեղաթյուրման առիթով:

Ամսագիրը չի սահմանափակվում հայ ժողովրդի պատմության տարբեր դարաշրջանների և փուլերի հետադիտմամբ: Նա իր էջերը տրամադրում է նաև հայագիտության մյուս ճյուղերի՝ համեմատական լեզվաբանության, հայ բարբառագիտության, հայ իրավունքի (Սխիթար Գոշի 'Իստաստանագրքի տարբեր խմբագրությունների կապակցությամբ), վիճադրության և արվեստաբանության՝ մասնավորապես հայ միջնադարյան մանրանկարչության, հայ ճարտարապետության պատմության հիմնավոր ուսումնասիրմանը: Հանդեսում բավական մանրակրկիտ քննարկման ենթարկվեցին 10—13-րդ դդ. Հայաստանում «վերածնության վաղ շրջանի» խնդիրները, բանավեճ ծավալվեց միջնադարյան հայ փիլիսոփայության պատմության հարցերի շուրջը: Հայ բազմաթիվ բարբառների և առհասարակ բարբառների առաջացման հարցին նվիրված բանավեճը, որին սկիզբ էր դրել «Պատմա-բանասիրական հանդես»-ը, արձագանք գտավ նաև «Вопросы языкознания» ամսագրի էջերում: Այդ բանավեճին մասնակցեցին, սովետական լեզվաբաններից բացի, նաև արտասահմանյան մասնագետները: Եզրափակիչ հոդվածում «Вопросы языкознания» ամսագիրը առանձնահատուկ նշեց «Պատմա-բանասիրական հանդես»-ի նախաձեռնությունը այդ պրոբլեմի հարցադրման և արդյունավետ քննարկման գործում:

Անշուշտ, որոշակի հետաքրքրություն են ներկայացնում նաև հայոց լեզվի պատմությանը, լուսանձին բառերի և տերմինների ստուգաբանությանը, ինչպես նաև բանահյուսության հարցերին նվիրված նյութերը:

Ամսագրում լայնորեն ներկայացված են հաղորդումների և նկատողությունների, հրապարակումների, գրախոսության, ինֆորմացիայի, հանրապետության և սփյուռքի հայության մշակութային կյանքի տեսության բաժինները:

Մեկ թվում է, որ արխիվային նյութերի և որոշ ձեռագիր ուշադրանքների հրապարակման կապակցությամբ հոստունացել է ծավալով ոչ մեծ, ծանոթագրված սկզբնաղբյուրների և արխիվային նյութերի պարբերական հրապարակմանը հատկացված հատուկ բաժինը ընդլայնելու հարցը:

Աստիճանաբար հանդեսը ընթերցողների ավելի ու ավելի լայն շրջանակներ է ներգրավում ինչպես մեկ մոտ, այնպես էլ արտասահմանում:

Նրա ազդեցությունը ընթերցողների և գիտության մարդկանց վրա՝ մեծ է, ամսագրին աշխատակցելու ձգտումը նկատելիորեն աճում է, իսկ դա նրա հաջողության լավագույն ցուցանիշն է:

Կարծում ենք, որ հանդեսը առավել լայնորեն տարածելու և նրա բովանդակությունը հարստացնելու համար սլետը է ընդարձակել գրախոսության բա-

ժինը: Դա հնարավորություն կտա ավելի խոր և բազմակողմանիորեն քննարկել հայագիտությանը նվիրված գրքերը, հրատարակված թե՛ մեզ մոտ՝ Միությունում, և թե՛ արտասահմանյան հրկրներում:

Սովետական գիտնականների կողմից այդ գրքերի քննարկումը մեր գիտության զարգացման համար, անկասկած, մեծ նշանակություն կունենա:

Հրամայական պահանջ է դառնում կովկասագիտությանը և հայագիտությանը նվիրված աշխատությունների մասին մատենագիտական ակնարկների պարբերական հրատարակումը: Անհրաժեշտ է անոտացիայի ենթարկել մեզ մոտ և արտասահմանում լույս տեսած բոլոր լուրջ աշխատությունները՝ հայագիտության, կովկասագիտության և արևելագիտության վերաբերյալ:

«Պատմա-բանասիրական հանդես»-ին մաղթում ենք ավելի մեծ հաջողություններ հայագիտության և կովկասագիտության զարգացման գործում, հանուն պատմագիտության և ժողովուրդների բարեկամական համագործակցության հետագա ծաղկման:

Կ. ՄԵԼԻՔ ՕՀԱՆՋԱՆՅԱՆ

Հայկական ՍՍՀ ԳԱ ակադեմիկոս